

# NO A HAYA AANWIJZING PERO A DUNA UN CHENS



Pag. 3

DECISION DI RMR  
**SOLAMENTE UN  
“UITSTEL VAN  
EXECUTIE” PA GABINETE  
WEVER CROES**

Pag. 2


**CAFT NUNCA LO POR  
HUSTIFICA ‘AANWIJZING’  
CONTRA MINISTER  
DANGUI ODUBER**

TURISMO ACTUALMENTE SALBACION DI ARUBA

Pag. 4

**ARUBA A  
CONOCE UN  
ABOGADO NOBO:  
MR. CELINA RAS**

Pag. 7



**Tired of Manually Processing Forms?**

**SCAN***SYS* vision on imaging

- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows

This OCR software scans every field on any kind of document and automatically fills the data in your preferred financial/ERP software!



**VCC**  
International NV

TEL. 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)



Decision di RMR

# Solamente un “uitstel van executie” pa gabinete Wever Croes

**T**in un dicho cu ta bisa: “uitstel van executie,” cual nifcacion den un diccionario Hulandes ta lo siguiente: “uitstel van executie=*iets onaangenaams wordt tijdelijk uitgesteld. Later gaat dit toch nog gebeuren.*”

Di e forma aki por splica e decision cu Rijks Ministerraad a tuma ayera na Den Haag, relaciona cu e sugerencia di CAft, pa duna gabinete Wever Croes II, un “aanwijzing” pa falta di cumplimiento di palabracionnan haci relaciona cu e situacion financiero di gobierno di Aruba.

E decision di RMR ayera no tabata un solucion pa gabinete Wever Croes II, al contrario e decision tuma ta pone ainda mas presion riba un administracion cu nunca a cumpli for di 2018 cu palabracionnan haci, palabracionnan preto riba blanco y awo realmente a pone gobierno di Aruba den un posicion ainda mas dificil.

*Algun dia atras caba Secretario di Estado Alexandra van Huffelen a determina e suerte di Aruba pa loke mester a bira e “aanwijzing” cu ayera lo por a bira realidad, anunciando entre otro cu Aruba lo no ricibi sosten di likides mas y cu pa 2023 mester cumpli cu tur exigencianan palabra pa loke ta presupuesto 2023.*

Un presupuesto cu Minister di Financia, Xiomara Maduro ayera mainta a confirma cu esaki ya ta na Parlamento caba pero na mes momento e mandatario ta muestra cu su gobierno of su persona como esun responsabel pa maneho di finansa di gobierno, no a compronde e “ultimatum” aki cu van Huffelen a señala algun dia atras.

Lo no tin excuus di pandemia mas, lo no tin excuus riba diferencia di interpretacion riba recomendacionnan cu CAft a trece dilanti, ya lo no tin espacio mas pa gabinete Wever Croes II cumpli cu e demandanan cu tin pa drecha finansa publico di Aruba.

Mientras cu tanto Prome Minister Evelyn Wever riba social media a muestra cu pais Aruba ta un pais bendiciona ya cu su gobierno no a ricibi e tan anticipa “aanwijzing” cu e siguiente expresion: “Dios ta grandi, Aruba no ta haya aanwijzing.”

En realidad e decision di RMR di ayera no tin nada pero net nada di haci cu Dios pero e tin di haber totalmente di haci cu bon gobernacion, cu seriedad y responsabilidad den gobernacion di e pais, ya cu ora cu analisa e motibonan di con tin un “aanwijzing” riba mesa pa henter gabinete Wever Croes II, e tin mas di haber cu e falta di seriedad di e gobierno di Prome Minister.

Na cantidad di ocasion CAft a muestra den su raportahenan cu gobierno di Aruba no a respeta palabracionnan haci y tampoco ta acepta y ehecuta recomendacionnan cu e comision di supervision a trece dilanti pa drecha e maneho financiero di gobierno.

Den ultimo simannan diripiente Minister di Finansa y otro coleganan a dicidi di core implementa e sugerencianan aki cu mas bien ta medidanan cu mester a wordo tuma y esaki a pone cu RMR a considera cu un “aanwijzing” no ta na su luga na e momentonan aki.

Sinembargo e proximo conseho pa un “aanwijzing” lo no Sali for di CAft mas pero esaki lo bin directamente for di e propio Secretario di Estado van Huffelen, ya cu riba su recomendacion, gabinete Wever Croes II ta haya dos luna pa atende tur loke cu falta y entrega un presupuesto 2023 segun a wordo palabra caba, esta c’un saldo positivo di 1%.

Dos luna pa atende cu cantidad di medida, cu cantidad di ehecucion di acuerdonan cu ya mester ta den ehecucion caminda sin duda na luna di Januari, gabinete Wever Croes lo no haya e beneficio di duda mas cu e ta serio den gobernacion di e pais.

*E trabou cu tin den loke ta resta di luna di November y December lo ta inmenso, gobierno sa esaki y den cierto sentido hasta por bisa cu e lo bira un trabou imposibel pa un gobierno cu ya no por a cumpli bou circunstancianan normal, awor si cumpli bou di e presion grandi cu tin awor desde e decision di RMR ayera na Den Haag.*

# No a haya aanwijzing pero a duna un chens

A pesar di e recuperacion economico fuerte di e economia di Aruba den 2022, e presupuesto di tanto 2022 i di 2023 ta mostra un deficit financiero. Considerando e tarea formal di refinanciamiento cu Aruba ta enfrenta den e añanan binidero y e interes cu ta subiendo, ta di gran importancia pa Aruba realisa surplus entrante aña 2023 di manera cu por reduci e debe nacional di AWG 5,9 miyar. Pa por realisa esaki, ademas di subi entrada, mester reduci gastonan di un forma structural tambe. Den e cuadro aki reformanan den cuida medico, e sistema di impuesto y siguridad social ta crucial y inevitabel.

## Traha pa yega na finansa publico sostenibel

Aunke economia di Aruba ta recuperando fuertemente for di fin di aña 2021 y segun e ultimo proyeccionnan di Fondo Monetario Internacional, na 2022 e Producto Interno Bruto (PIB) lo supera e nivel di 2019, ta premira cu e deficit di financiamiento di Pais Aruba lo monta na AWG 113 miyon na 2022. Esaki ta ekivalente na 1,8 porshento di e PIB.

Aruba ta para dilanti un gran reto pa reduci e debe nacional y hiba esaki na un nivel sostenibel mas lihe posibel. Na final di juni 2022 e debe nacional di Aruba tabata monta na AWG 5,9 miyar; mas cu 90 porshento di e volumen di e economia. E debe nacional halto aki ta nifica cu casi 19 porshento di e presupuesto ta bay na pago di interes. Aunke cu riba termino di mas aña, manera presenta den e proyecto di lei di presupuesto di 2023, ta mostra surplus for di aña 2024, esakinan no ta mara na medida concreto cu contenido.

Si no tuma na e sumanan cu obhetivo specifico aki na consideracion, Aruba lo cumpli te na aña 2027 cu e norma di un surplus di por lo menos 1 porshento di e PIB. Den e caso ey e debe nacional nominal lo sigui aumenta te na 2026. Teniendo na cuenta e interes cu ta subiendo y e refinanciamiento considerabel den e proximo añanan, Colegio di supervision financiero di Aruba (CAft) ta keda insisti riba e importancia pa realisa for di aña 2023 un saldo financiero di por lo menos 1 porshento di e PIB.

Conseho di Minister di Reino a dicidi cu e no ta duna gobierno di Aruba un instruccion pa aña 2022, pero di e otro un banda el a informa bon cla cu Aruba mester realisa un surplus di 1 porshento di PIB den 2023. E proyecto di presupuesto di 2023 no ta cumpli cu e rekeriendo aki.

Aruba lo mester haci un esfuerso hopi grandi pa den e añanan binidero structuralmente por realisa e surplus aki. Den e ultimo aña aki CAft a duna hopi diferente recomendacion den e cuadro aki, y e Colegio tin cu constata cu no a

sigui nan suficientemente. Por nota por ehempel cu, a pesar di un bahada incidental den 2022, e gastonan di produccion y servicionan ta keda structuralmente halto compara cu e cifranan di e añanan prome cu e pandemia di COVID-19. Te ainda no a substancia e motibo dicon mester a subi e gastonan. Tambe anualmente montantenan substancial ta bay na diferente entidadnan di gobierno, entre cua Servicio di limpieza di Aruba (Serlimar), Arubus N.V. i Post N.V. Ta keda mesun importante cu anteriormente pa soluciona e problema structural den e entidadnan di gobierno aki y hunto cu esey tambe e riesgonan mara na nan pa e presupuesto di pais.

## Impuesto

Conforme e metanan den e Pakete Nacional (Landspakket), na fin di 2021 Aruba a anuncia cu entrante 1 di januari 2023 e lo introduci cambionan fiscal, manera entre otro introduccion di impuesto riba balor agrega (BTW). Sinembargo, introduccion di BTW a keda pospone. Na luga di esey ta hisa e tarifa di impuesto riba volumen di benta cu 1 porshento, loke ta sigui reenforza e efectonan di e accionnan pa evadí pago di impuesto i e riesgo di incumplimento cu e tipo di impuesto aki. Ta di gran importancia pa Aruba introduci riba 1 di januari 2024 un sistema fiscal fuerte y husto.

## Cuido y siguridad social

Baha gasto den cuida y den siguridad social ta necesario pa por garantiza cu e sistema social ta keda pagabel pa futuro generacionnan tambe. E instruccion pa economisa AWG 60 miyon pa aña den cuida ta un prome paso den direccion di un cuida medico cu financieramente ta sostenibel, y esaki mester yuda pa e pais riba termino cortico no tin mester di contribui na paga pa e deficitnan den e Seguro Medico General (AZV).

Pa motibo cu introduccion di un lista positivo di medionan remedi y materialnan medico a cay atras i tambe mirando cu a keda sin introduci e contribucion propio, e gastonan di cuida medico ta keda halto y AZV ta premira un resultado negativo pa 2022 i 2023. Ta importante cu e economisacionnan planea lo keda ehecuta riba termino cortico di moda cu lo evita un deficit, y hunto cu esey tambe un posibel contribucion di pais.

Riba 20 i 21 di october 2022 CAft a haci un bishita na Aruba y a hiba combersacion cu Gobernador, Minister di Finansa y Cultura, Minister di Transporte, Integridad, Naturalesa y Cuido di Hende Grandi di Edad, Conseho di Minister i Parlamento. Ademas di esaki, CAft a papia tambe cu gerentenan di e Organo Ehecutivo di Seguro Medico General, Asociacion di Hotel y Turismo di Aruba y Serlimar.

# CAft nunca lo por hustifica ‘aanwijzing’ contra Minister Dangui Oduber

Turismo actualmente salvacion di Aruba

**D**ia 10 di Juni 2022 CAft a dirigi un carta na Minister di Financia Xiomar Maduro, den cual carta e comision di supervision financiero a informa gabinete Wever Croes cu lo pidi RMR pa duna henter gabinete Wever Croes II, un “aanwijzing:”

Het CAft verzoekt u op basis van artikel 12 lid 1 van de LAft binnen veertien dagen, uiterlijk op 24 juni 2022, aan te geven op welke wijze u alsnog invulling geeft aan de bovenstaande aanbevelingen. Als er naar oordeel van het CAft na 24 juni 2022 sprake blijft van een begroting die geheel of gedeeltelijk niet voldoet aan de normen uit de LAft en het protocol, dient het CAft de RMR te berichten. Dit bericht kan conform artikel 12 lid 2 van de LAft vergezeld gaan van een gemotiveerd advies tot het geven van een aanwijzing.”

Un luna despues den otro carta fecha 14 di Juli, cuCAft e biaha ey a dirigina Presidente di Parlamento, Edgard Vrolijk, e comision a pone lo siguiente paloketa su recomendacion pa duna un “aanwijzing:”

“Het CAft rest derhalve geen andere mogelijkheid meer dan de RMR te adviseren een aanwijzing te geven aan de ministerraad van Aruba. Het is aan de RMR om te besluiten of de aanwijzing er daadwerkelijk komt, en zo ja, wat daarvan de precieze inhoud zal zijn.”

*Pues den e carta di 14 di Juli,  
CAft a recomenda RMR pa duna henter  
conseho di minister di Aruba,  
un aanwijzing, un recomendacion  
cu a lanta e pregunta ta kico e comision di  
supervision financiero kier logra cu esaki.*

Ta practicamente un medida cu ta kita tur poder administrativo for di un gobierno democraticamente eligi y caminda ta kita tur poder for di tur Minister, cual ta un decision cu simplemente no ta realistico den e tempo moderno aki.

Lo no tin hustificacion pa esaki, caminda e controversia mas grandi lo ta di con lo pone Minister di Turismo, Dangui Oduber bou di curatela, mientras cu den practicamente tur raportahe cu CAft a traha e aña aki, e recuperacion di turismo di Aruba ta e topico cu mas a ser elogia, hasta

mustrand cu economia tambe a crece dor di e maneho di turismo.

Pues con lo por hustifica cu lo tuma un medida asina drastico contra di un Minister cu si a cumpli, kisas lo por tin critica riba e forma con el a atende cu reduccion di gasto di AZV di 60 miyon pa e aña aki pero ta for di prome dia cu e plan aki a bin riba mesa, Minister Oduber a insisti cu esaki no ta realisabel riba un periodo asina cortico.

*Con CAft lo por hustifica su peticion di  
“aanwijzing” pa Ministernan di RAIZ, esta  
Ursell Arends y tambe Geoffrey Wever, dos  
mandatario cu ta manehando algun  
ministerio cu practicamente ta den ruina,  
sin solucion concreto a corto plazo.*

Ora cu analisa e maneho di Minister di Husticia Rocco Tjon, lo por cuestiona algun decision pero den su prome aña responsabel pa husticia, su persona tampoco tabatin fondonan disponibel pa haci algo mas grandi of miho bisa, mayoria di e ministernan nobo, no tabatin solucion pa hopi problema pa falta di placa.

Mirando cu CAft semper a cuestiona e falta di seriedad di gabinete Wever Croes II relaciona cu falta di cumplimiento pa atende cu e maneho financiero di gobierno, un ‘aanwijzing’ tabata mas hustifica pa Minister di Financia, Xiomara Ruiz Maduro y tambe pa Minister Glenbert Croes kende su maneho ta wordo cuestiona pa decisionnan controversial cu el a bin ta tumando.

E recomendacion pa “aanwijzing” contra henter gabinete Wever Croes II lo a muestra mas riba un forma di procede cu ta cuadra den un pais caminda democracia no ta existi.







The poster features a collage of images: a cartoon of a blue cat and a yellow dog under a tree, a black and white dog wearing a yellow polka-dot bow tie, a dog in a black vampire costume, and two cartoon bats. The background is orange with black spider and bug graphics. The text is in various fonts and colors, including red, white, and blue.

ARUBA ANIMAL SHELTER

**ARUBA ANIMAL SHELTER**

**DOG SHOW 2022**

Sunday 30 October 3 Pm to 8 Pm

**Villa Floralina**

Register:  
<https://forms.gle/Ru8uzUm5RfSkvbz36>

**A BIG RAFFLE  
WITH A LOT OF PRIZES:  
LCD TV - WEEKEND STAY ETC**

ARUBA ANIMAL SHELTER  
Since 1987

+297 582 1623 • [animalshelterwayaca@gmail.com](mailto:animalshelterwayaca@gmail.com)



### Mirrors Beauty Academy ta ofrece e siguiente servicionan

Laba	Tinja	Makeup	Y mucho mas!
Corta	Highlights / Mechitas	Threading	
Blowdry	Ombre / Californiana	Barberia	
Keratina	Bayalage	Manicure	
Cold Wax	Peinado	Pedicure	

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Prome Minister Evelyn Wever-Croes:

# Aruba no ta haya aanwijzing mas

Aruba ta cumpliendo cu palabracionnan

**D**iabierna mainta, tiki prome cu 10or, den conferencia di prensa di Gobierno di Aruba, Prome Minister Evelyn Wever-Croes y Minister di Finansa Xiomara Maduro a anuncia cu Consheo di Minister di Reino (RMR) no ta duna Aruba un aanwijzing mas. Sectretario di Estado Alexandra Van Huffelen mainta tempran despues di e reunion di RMR, a confirma esaki indicando cu Aruba ta cumpliendo cu palabracionnan.

Prome Minister di Aruba a expresa cu Gobierno di Aruba ta hopi satisfecho cu e decision aki enfatisando cu e trabounan haci pa keda den cumplimiento cu palabracionnan sigur no tawata facil. E tabata un trabou hopi intenso y grandi di hopi hende y di hopi luna mientras cu Aruba ta saliendo for di un pandemia.

“Mi kier a gradici nos profesionalnan pasobra ta danki nan cu ta traha riba e materianan aki constantemente, nos por a sigui cu e lucha te cu nos a yega awe, diabierna 21 di October, cu no tin un aanwijzing. Nos profesionalnan den area financiero, den area huridico y impuesto. Mi ta gradici tambe colega Minister di Finansa, Xiomara Maduro pasobra ta Minister di Finansa den e peor tempo financiero di nos pais, ta un trabou grandi, no ta placentero ni facil pero si no ta pa e empuhe y determinacion aki di Minister di Finansa nos no lo logra tampoco”, Prome Minister a enfatisa.

E trabounan ta duro teniendo na cuenta cu tabata tin un deficit na aña 2020 di 1028 milyon florin y den apenas tres aña, ta logrando di elimina e deficit aki. Esaki sigur ta un esfuerzo y resultado, cu hopi autoridad financiero mes ta considera esaki como impresionante. Pa 2022, cu ta e tema di aanwijzing, a cuminsa e aña cu un deficit di 227 milyon florin. Na caminda a logra baha e deficit na 148 milyon. “A base di esey, CAFT a bin bisa no ta suficiente y kier wak e baha mas y e discusionnan over di e aanwijzing a cuminsa na Juni/Juli di e aña aki. Nos a lora manga pa cuminsa traha riba evita e aanwijzing aki. Nos lo sigui traha riba refor-



manan, riba e landspakket aumenta entrada na un forma structural, riba baha gasto na un forma structural pa asina nos por evita e aanwijzing”, Prome Minister a expresa.

Prome Minister a remarca cu ta danki na e crecimiento economico di nos pais cu a genera mas entrada, y danki na e esfuersonan di Departamento di Impuesto pa cobra mas impuesto di esnan cu no ta den cumplimiento, a logra pa baha e deficit aun mas cu 32.5 milyon florin na e ultimo momento cu ta locual Hulanda a indica e ora cu ta suficiente pa evita e aanwijzing. Gobierno awor ta prepara e ultimo cambionan den e nota di cambio pa 2022, pa manda esaki tambe Parlamento pa por trata esaki e diabierna aki ainda.

“Mi a compromete mi mes cu Parlamento ora cu nan a pidi mi pa duna nan e “zienswijze” cu ta nos defensa contra e aanwijzing. Parlamento a pidi mi hopi biaha pero ma bisa nan cu mi no ta duna nan tanten cu e caso no ta cla. Esaki ta un asunto entre Gobierno cu Gobierno. Y un guerra canta ta un guerra perdi y conociendo oposicion cu ya caba ta saca tur informacion personal di hendenan mes, nos a dicidi di no duna nan. Pero entrante awe mainta e ta den man di parlamentarionan. Mi a cumpli asina cu mi palabra na Parlamento un biaha mas”, Prome Minister Evelyn Wever-Croes a duna di conoce.



# Aruba a conoce un abogado nobo: mr. Celina Ras



Mr. Celina Ras a huramenta como abogado diamars mainta, 18 di october 2022, dilanti miembronan di Corte Comun di Husticia hunto cu tres otro abogado nobo mas. mr. Celina Ras a gradua na Universidad di Aruba na mei 2022. Durante di e trayectoria di su tesis el a core stage na oficina di abogado Adsum Aruba. Eynan el a ripara e ta gusta e profesion di ta abogado pa motibo cu e ta uno hopi dinamico, tin hopi challenges y por desaroya como un persona ya cu cada caso y cliente ta diferente. Awo mr. Celina Ras lo ta trahando como advocaat-stagiaire na mesun oficina di abogado Adsum Aruba bou di guia di abogado mr. Eline Lotter Homan. E oficina aki ta encarga cu diferente areanan di ley, manera ley di responsabilidad y seguro, comercio y contract, laboral, penal, huur, administrativo y familiar. mr. Celina Ras tin un gran vocacion pa yuda hende y ta pensa cu e carera di abogacia ta esun ideal pasobra mayoria di e accionnan cu nos ta hiba diariamente ta relaciona cu ley y asina pa medio di consehonan huridico por yuda e companianan y personanan individual y preveni of resolve un conflicto.



**BUCUTI & TARA**  
BEACH RESORT • ARUBA



**Elements**  
RESTAURANT

*IF YOU ARE A PASSIONATE HOSPITALITY PROFESSIONAL,  
EAGER TO JOIN A WINNING TEAM,  
TOP 25 RESORTS IN THE WORLD ON TRIPADVISOR,  
ALSO THE FIRST CARBON NEUTRAL RESORT IN THE CARIBBEAN*

## WE'RE LOOKING FOR YOU

<b>F&amp;B DIRECTOR</b>	<b>SOUS CHEF</b>	<b>CONCIERGE/ FRONT DESK AGENT</b>
<b>F&amp;B CONTROLLER</b>	<b>DINNER SERVER</b>	<b>ROOM ATTENDANTS</b>
<b>COOKHELPER/ DINNER BUFFET ATTENDANT</b>	<b>HOST/ HOSTESS</b>	<b>HOUSEMAN</b>
	<b>BEACH ATTENDANT</b>	

**EXCELLENT BENEFITS**

- ATTRACTIVE SALARIES WITH BONUS OPPORTUNITIES
- 5-DAY WORKWEEK
- UP TO 27 VACATION DAYS (BASED ON YEARS OF SERVICE)
- HEALTH DISABILITIES AND LIFE INSURANCE
- DENTAL AND VISION INSURANCES
- SAVINGS & LOANS PROGRAM
- EMPLOYEE DISCOUNT AT TARA ECO SUPPLIES AND MAJOR LOCAL SUPERMARKET

**APPLY ONLINE AT [WWW.BUCUTI.COM/CAREERS](http://WWW.BUCUTI.COM/CAREERS)**



## Minister Oduber a ricibi un poster di sra. Noemi Maduro

Diahuebs mainta Minister Dangui Oduber a ricibi sra. Noemi Maduro hunto cu Wit Gele Kruis (WGK) y Jeugdgezondheidszorg (JGZ) pa asina presenta un poster den cuadro di conscientisacion y prevencion pa ora babynan bay crèche. Presente tawata t'ey sra. Swinda Dumfries cu ta coordinador di e team "Gezonde School Adviseur", sra. Janice Essers Hooft cu ta Doctor Wit/Gele Kruis & JGZ na Directie Volksgezondheid Aruba, sra. Linda Croes y sra. Surella Croeze.



E poster aki ta hiba cu ne 10 punto cardinal cu ta ser reenforza, cual ta hancra den e ley di kinderopvang. Cada kinderopvang ta haya informacion ariba diferente manera, diferente herment, cu ta yuda e trahado pedagogico den su trabao ora ta trata bienestar y seguridad di cuidu di baby. Plataforma Veiligheid Kopv ta consisti di: DMH, DVG, WGK, FPNM, IMSAN y Rode Kruis.

Sigur un bunita iniciativa cu Ministerio di Salud ta sostene completamente. Cu esaki lo percura pa comparti tur informacion necesario na esnan cu ta duna cuidu pa tene cuenta cu tur e aspectonan cu ta necesario pa evita y preveni cu babynan por haya nan mes den problema ora nan ta na crèche.

Sr. Oduber ta gradici tur organisacion y fundacion cu ta traha conhuntamente pa trece mas informacion manera esaki dilanti pa conscientisa pueblo di Aruba.

## Otro siman lo tuma luga reunion cu Minister di Asuntonan di Exterior

Minister encarga cu Asuntonan di Exterior Wopke Hoekstra lo ta di bishita desde 24 te cu 26 di october na Sint Maarten, Corsou y Aruba, pa hiba palabra cu Prome Minister y Gobernador di cada pais. E tema di e encuentro aki ta desaroyonan geopolitico actualmente na Europa y region (Westelijk Halfrond).

Banda di dialogo bilateral cu e Premier y Gobernador di cada pais, Minister Hoekstra lo presidi e "Koninklijksoverleg Buitenlandse Betrekking" na Corsou. Esaki ta un encuentro anual cu ta brinda oportunidad pa trata vision y interes di cada pais, y duna esaki un contenido conhunto pa local ta asuntonan di exterior.

Minister Hoekstra di Hulanda, Premier Pisas di Corsou, Premier Jacobs di Sint Maarten y Premier Wever - Croes di Aruba, lo trata temanan manera consecuencia di e guerra na Ukraina pa region Caribense, relacion cu Venezuela, y cooperacion multilateral. Na final di e encuentro, lo tin conferencia di prensa.


# Computer Les

**Pa adulto of Mucha**

- ✓ **Beginners**
- ✓ **Intermediate**
- ✓ **Advanced**

**Mainta, atardi of anochi**

**Den grupo of Private**  
Tel.5880950-5934494



PROTECTION FOR YOU AND YOUR FAMILY



Offers you full service alarm security protection

- 24 hours life monitoring service
- 24 hours patrol backup
- Quick event response
- Additional guard service when needed
- Fixed monthly monitoring fee
- No hidden fees
- Flexible contract
- Financing options
- Equipment is yours after full payment
- Warranty of 6 months on equipment



For more info call 582-7252 or email [insec@setarnet.aw](mailto:insec@setarnet.aw)



# Kico lo a pasa si Aruba a haya un aanwijzing


Danki na tur esnan cu a yuda Gobierno evita esaki

**D**urante e conferencia di prensa di Gobierno di Aruba diabierna mainta, Prome Minister a haci un reflexion riba kico lo a pasa si Aruba lo a haya e aanwijzing enfatisando cu Gobierno mes no tawata sa kico e contenido di e aanwijzing pasobra nunca Hulanda a indica con e lo bay hinc'e den otro. "Un cos si cu nos sa sigur ta, cu Hulanda lo a impone medidanan riba Aruba mientras ta cumpli cu tur e recomendacionnan di CAFT. Nos a purba di splica na tur manera posibel cu no ta tur recomendacion bo por ehecuta sin mas riba un pueblo cu ya ta sufriendo", Prome Minister a enfatisa.

Si e aanwijzing a bin, Gobierno lo mester a tuma mas medida entre otro hisando impuesto riba lomba di pueblo, corta mas den servicionan di Gobierno, servicionan social di bijstand, Polis enseñansa, cuido di salud, cuido di nos grandinan. "P'esey nos ta bisa awe, danki Dios nos no a haya un aanwijzing. Esaki ta un dia cu henter Aruba mester ta celebrando pasobra si e aanwijzing a bin, lo e no a bin riba Evelyn of Xiomara sino riba cada ciudadano, specialmente esnan mas vulnerable".

Prome Minister ta

gradici un biaha tur esnan cu a yuda Gobierno evita un aanwijzing y a indica cu pa 2023 ta trahando pa yega surplusnan. Te ainda e presupuesto ta entrega na Parlamento cu un deficit di 0.5%, pero ya caba ta logrando caba pa haci'e un balance budget. Y tur esfuerzo ta pa continua otro aña pa converti esaki den un surplus. "E lo no ta facil, e lo tin su retonanan pero nos lo traha duro pa logr'e", Prome Minister a enfatisa.



— PRO —  
**MARKETING**  
CONSULTANCY

**SOCIAL MEDIA  
MARKETING  
FOR SMALL BUSINESS**

**AFL. 185**



**TWYMA VD BIEZEN MSC**  
SOCIAL MEDIA MARKETER

**SOCIAL MEDIA WORKSHOP**

[SIGN UP VIA LINK!](#) [FOR MORE INFO \(297\) 569 1865](#)

Aruba no a haya aanwijzing

# ‘Minister Thijsen hopi contento cu e decision aki di RMR

**D**en Haag – Consejo di Minister di Reino (RMR) a dici-di diabierna 21 di October durante di nan reunion pa no duna Aruba un aanwijzing. Esaki Minister Plenipotenciario di Aruba mr. Ady Thijsen a bisa na final di e reunion di RMR. Minister Thijsen a bisa di ta contento cu e decision aki. ‘Mi a bisa semper na comienso di e proceso aki cu nos mester keda positivo; tin diferencia di opinion, pero esey ta normal. Van Huffelen a duna espacio y nos ta haya cu esey ta necesario tambe pa nos por splica otro e diferencianan. E decision di RMR pa no duna Aruba un aanwijzing ta hopi bon. Nos ta sigui verder y van Huffelen a bisa cu nos ta bay awor pa 2023. Mi ta convenci cu nos ta bay logra esey tambe,’ asina Minister Thijsen a bisa.

E mandatario a sigui bisa cu si por mira na comienso di e proceso unda Gobierno di Aruba na 2017 a haye confronta cu un debe grandi y na 2020 a logra yega na un surplus riba e presupuesto. Minister Thijsen: ‘Pero e pandemia a trece cu ne cu a bin debenan grandi. Loke e Secretario di Estado ta referi na dje ta debenan cu Aruba a haci pasobra mester a fia placa di Hulanda pa sobrevivi e pandemia, mescos cu hopi otro pais na mundo. Un punto importante ta y mi ta kere cu esey a convence Hulanda tambe con un pais como Aruba cu a bay plat door di e pandemia, mester a fia hopi placa di Hulanda. Nos a baha 128 miyon di nos deficit den dos pa tres aña pa casi nada; pa 25 miyon. Bo ta mira e esfuerzo grandi cu Aruba a haci; un trabao inmenso y mi ta kere cu Hulanda sa esey tambe. P’esey nos ta gradici nan tambe pa e comprension ey. Semper nos ta keda traha hunto y asina demostra cu Aruba ta un pais madura.’



Minister Thijsen un biaha mas a bisa di ta convenci cu mescos cu Aruba na 2020 a yega na un surplus, esey tambe lo ta e caso na 2023. Esaki tambe ta debi cu Aruba su turismo ta bayendo hopi bon, sin conta cu lo bay bin otro desaroyonan economico cu por acelera economia di Aruba.

Banda di e parti di finansa publico den e RMR di awe tambe a papia riba clima y con Hulanda y e paisnan di Reino den Caribe lo mester anda cu e problematico aki. Sr. Thijsen a menciona cu Minister Rob Jetten pa Asuntonan di Clima y Energia lo ta interesa pa tene un conferencia riba e tema aki y cu kisas esaki lo por tuma luga na Aruba. Esaki ta un topico, segun Minister Thijsen cu ta rekeri cooperacion entre paisnan, mirando con cambio di clima ta afectando partinan di mundo. Segun e mandatario e cooperacion tambe ta cu institutonan manera IMF y Ministerio di Finansa di Hulanda pa mira unda por duna sosten na Aruba pa tin un finansa publico sano.

Por ultimo Minister Thijsen a bisa cu Aruba ta trahando duro cu e “Landspakketten”. ‘Mi ta sigui esaki di cerca. Riba tur tereno: enseñansa, economia, labor y salubridad publico. Akinan Aruba a haci algo casi milagroso. Durante e pandemia Aruba mester a corta gasto di salubridad publico cu 60 miyon pa aña. Djis pensa un rato kico esey kiermen, pero Aruba a logra toch. Esey ta demostra tambe cu nos por; e no tabata na su luga pasobra corta riba gasto den un pandemia ta hopi dificil. Pero mi ta kere cu den futuro ora cu esaki pasa y cu nos a siña hopi di esaki, cu sigur riba tereno di salubridad publico por traha hunto cu Hulanda,’ asina Minister Plenipotenciario mr. Ady Thijsen a declara na final di e reunion di RMR.

A promotional graphic for an interview. On the left, the NPC logo is shown above the text 'ENTREVISTA CU Maritza'. Below this, it says 'LIVE TUR DIALUNA 7:00PM RIBA FACEBOOK DI NPC ARUBA'. On the right is a portrait of a woman with dark hair, wearing a yellow top, identified as Maritza.



Parlamentario Marco Berlis (MEP):

# Economia di Aruba a crece cu 5.7% den e di dos kwartaal

**M**escos cu Turismo ta kibrando tur record desde April, asina tambe Banco Central di Aruba a indica cu pa di dos trimester consecutivo nos economia a crece y e biaha aki cu 5.7% compara cu e mesun periodo di 2021. “E crecimiento di 5,7 porciento den Producto Bruto Domestico (PBD) real a deriva for di e impulso positivo continuo den e sector turistico.

Indicadornan di inversion y consumo a demostra un expansion den actividad economico.”

Ademas Banco Central di Aruba ta bisa lo siguiente: “E mehoracion persistente aki tabata conecta cu un subida den e cantidad total di turista y cantidad di anochi di turista, cu a hiba na un crecimiento den


operacion di hotelnan (Tabel 1). Den e prome mita di 2022, Aruba a conoce un subida di 61,9 porciento den cantidad di turista compara cu e prome mita di 2021, y a yega te na 91,8 porciento di e nivel di 2019 (pre-COVID). Un aumento den turistanan procedente di Merca (+46,5 porciento) a conduci na e cantidad halto di turista, como tambe un crecimiento den tur mercado. E mehoracion den demanda turistico a causa un ampliacion den e tasa di ocupacion di hotel (+63,1 porciento) y otro indicadornan di e sector hotelero.

Banda di cantidad total di turista, bishitantenan di crucero tambe a contribui n’e recuperacion, registrando un crecimiento di 16.481,0 porciento compara cu e aña anterior.”

Turismo, nos unico pilar economico, ta creciendo y yudando

nos economia recupera hopi lihe y yudando gobierno baha e deficit segun rekisitonan di RMR y CAft. E hecho cu gobierno a lora manga y a traha duro pa baha e deficit di 1028 milyon pa 25 milyon florin na 2023, ta muestra cu nan trabao ta dunando fruta. Gobierno hasta ta premira cu lo por tin un posibilidad cu lo tin un presupuesto balansa of hasta un surplus otro aña, cual por ta un logro historico y prueba rotundo di experticio, seriedad, y estabilidad di un gobierno cu ta traha incansablemente pa e recuperacion di nos pais.

Ban sigui keda positivo y enfoca pa sigui traha duro. Hunto nos por logra cualkier cos. Hunto nos trabao, sacrificio y amor pa nos pais lo yuda nos vence tur obstaculo den nos caminda!



**JUNGLE Cafe**

**Christmas MENU**

*It's The Most Wonderful Time of the Year*

- Sopi Pampuna
- Ayaca
- Pan de Jamon
- Ham di Pasco
- Salada di Macaroni
- Quesillo

**Afl 40.00 p/p**

Jungle Cafe, Tataratata 15, Coral Plaza  
FOR MORE INFO CALL (+297) 731-1224



## DEA ta invita pueblo pa consulta nacional tocante idioma den enseñansa

**D**epartamento di Enseñansa Aruba (DEA) ta invita henter comunidad di Aruba pa un consulta nacional tocante idioma den enseñansa. Esaki ta pa tur hende haya chens di duna nan opinion tocante e topico aki.

Lo tin un sesion na Oranjestad dia 26 di october na JFK Education Center, na Scol di Arte, San Nicolas dia 27 di october y na Centro Pastoral na Santa Cruz dia 3 di november.

### E proyecto

Na maart 2022 Departamento di Enseñansa Aruba a lansa e proyecto Maneho Integral di Idioma oficialmente. Esaki tabata riba peticion di Minister di Enseñansa y Deporte, Sr. Endy Croes. Minister Croes su deseo ta pa scucha mas tanto hende cu ta posibel tocante e topico maneho di idioma den enseñansa (onderwijstaalbeleid). Pa medio di diferente ronda di consulta, e grupo di coordinacion encarga cu e proyecto, ta reuni cu diferente stakeholder. Na mei 2022 a cuminsa cu diferente stakeholder pafo di enseñansa y despues cu stakeholdernan den enseñansa mes.

Awor DEA ta brinda e oportunidad pa henter pueblo di Aruba tambe bin duna su opinion tocante idioma den enseñansa. Esaki ta un topico cu actualmente tin hopi atencion di parti di gobierno di Aruba y tambe di parti di Hulanda.

### Aruba

Desde siglo 20 tin hopi rapport y investigacion skirbi tocante e problema di idioma den enseñansa na Aruba. Den transcurso di tempo Departamento di Enseñansa (DEA) a skirbi diferente nota di maneho (adviesnota's) pa analisa e situacion y bin cu innovacion. Asina a introduci e Proyecto Scol Multilingual, cu tabata un proyecto piloto pa cuminsa traha cu un otro modelo di idioma. Despues di e fase piloto, e innovacion aki

ta conoci como SAM, esta Scol Arubano Multilingual.

Maneho di idioma no ta trata solamente idioma di instruccion, sino tambe e idioma cu ta ofrece como vak (materia) na scol. Den pasado gobierno a tene consulta cu diferente stakeholder tocante e idioma cu nan ta haya importante pa Aruba (Nos Aruba 2025, Nationaal Onderwijsplan - NOP y Plan Educacion Nacional 2030 - PEN 2030).

Na januari 2022, minister Endy Croes a presenta su nota di maneho Enseñansa den Transicion, cu ta enfoca riba e Plan di Educacion Nacional (PEN 2030), SDG 4 (enseñansa di calidad) di Nacionnan Uni y riba e rapport "Tussenrapport Doorlichting van het Arubaanse Onderwijsbestel" di Hulanda.

### Hulanda

Maneho di idioma den enseñansa a wordo trata tambe den "Vierlandenoverleg". Esaki ta un reunion cu ta tuma luga tur aña entre e ministernan di Enseñansa di e paisnan den Reino Hulandes. Banda di esaki, den cuadro di "Landspakket", un comision di Hulanda a skirbi un rapport tocante maneho di idioma. Den e rapport aki, cu yama "Tussenrapport Doorlichting van het Arubaanse Onderwijsbestel", e comision di doorlichting a duna como recomendacion pa Aruba yega na un escogencia cla y consecuente pa cu nos maneho di idioma den enseñansa.

### Kico ta maneho integral di idioma?

Maneho di idioma den enseñansa ta trata e idioma cu ta uza of duna na scol. Esaki ta trata idioma como vak y tambe idioma di instruccion (instructietaal). Kico nos kier como pais? Cua ta e idioma importante pa nos logra loke nos kier? Tin un maneho pa e diferente nivelnan di enseñansa. Sinembargo, e comision di doorlichting



a constata cu no tin un liña cla den e sistema di enseñansa den su totalidad. E meta di un maneho integral ta pa yega na un liña cora cu ta core di kleuter te universidad. Esaki lo mester percura pa e alumnonan por sigui desaroya nan mes riba nivel personal y prepara nan como miembro di comunidad. E maneho mester prepara nan tambe pa por sigui scol na un siguiente nivel of pa cuminsa traha.

### Kico ta un consulta nacional?

Durante un consulta nacional, tur hende na Aruba por duna su opinion, den e caso aki tocante idioma den enseñansa. Tur hende ta haya chens di bisa loke nan ta pensa of bin cu idea. Esaki ta importante, pasobra unabes cu tuma un decision definitivo riba e maneho, esaki lo wordo traduci den ley y tur scol tin cu bay cumpli cu ne.

### Registra

Por registra pa e ronda di consulta pa comunidad via nos website [www.ea.aw](http://www.ea.aw).

### Mas informacion

Pa mas informacion por acudi na nos website [www.ea.aw](http://www.ea.aw). Aki por haya informacion tocante PSML y SAM y por haya diferente publicacion, documento y rapport tocante idioma den enseñansa.

Tambe por haya e documentonan menciona manera "Nos Aruba 2025", "Nationaal Onderwijsplan" (NOP), "Plan Educacion Nacional 2030" (PEN 2030) y e "Tussenrapport Doorlichting van het Arubaanse Onderwijsbestel".



# IPA ta invita comunidad di Aruba pa su Dia Publico

Construi bo canva, esaki ta nomber di Instituto Pedagogico Arubano (IPA) su Dia Publico 2022. Cu e tema aki nos kier enfoca riba e echo cu mesun cos cu bo ta duna bida y color na un canva, abo ta e unico persona encarga pa construi bo futuro door di tuma decision y carga bo responsabilidad. Como futuro maestro bo ta hunga un rol importante den e creacion di futuro di cada mucha.

Dialuna, dia 14 di november 2022, IPA ta tene su Dia Publico (Open dag) anual. Durante e actividad nos lo duna informacion di e 3 estudionan cu IPA lo ofrece durante aña academico 2022-2023, cual ta e Estudio pa Maestro di Enseñansa Primario, Curso di Certificacion Pedagogico Didactico (PDG) y Master of Science in Education (MSE): Curriculum & Instruction - Instructional Leadership - Format Community of Learning. Cada estudio tin su grupo meta y orario specifico pa por haya informacion. E Dia Publico ta tuma luga na IPA (Isaac Wagemakerstraat 11, San Nicolas).

## Estudio pa Maestro di Enseñansa Primario

E estudio pa maestro di Enseñansa Primario ta forma maestro cu ta cualifica pa duna les na mucha di scol preparatorio y/of scol basico. Durante e Dia Publico lo tin 3 sesion, den cua e bishitante lo ricibi informacion di varios area di formacion. Cada sesion lo termina cu informacion general. Di e forma aki bo ta haya un bista completo di kico e estudio ta encera y bo ta experiencia e ambiente estudiantil. E orarionan di tour ta: 6:30pm, 7:15pm y 8:00pm. E estudio aki ta specialmente pa estudiante cu tin diploma di HAVO, VWO y MBO nivel 4 of cu ta den examenklas.

## PDG

PDG ta un curso parcial pa e profesionalnan cu kier continua nan carera den ramo di enseñansa. Pa medio di e curso di PDG e profesionalnan por desaroya competencia pedagogico y didactico. E orarionan cu bo lo por ricibi informacion general di e estudio aki ta 6:30pm y 7:30pm.

## MSE

MSE ta un estudio riba nivel master specialmente pa maestro cu ta traha den enseñansa regular of un profesional den campo di enseñansa cu ta desea di specialisa su mes den educacion, especificamente desaroyo di curiculo of instruccion y didactica. E orarionan cu bo lo por ricibi informacion general di e estudio aki ta 6:30pm y 7:30pm.



IPA ta invita henter e comunidad di Aruba, specialmente tur e personanan cu ta interesa pa haci un estudio na IPA pa asisti e Dia Publico. Haci uzo di e oportunidad pa haya tur informacion personalmente y haci pregunta. Durante e dianan aki nos lo pone diferente publicacion di estudiante y maestro riba e pagina di facebook 'Instituto Pedagogico Arubano'. Nos ta invita bo pa like e pagina y sigui IPA di cerca.

Pa mas informacion, por bishita nos website [www.ipaaruba.com](http://www.ipaaruba.com) y si ainda bo tin cualkier pregunta, por tuma contacto cu Studenten Services na 5243100. Construi bo canva. Bo futuro, bo decision, bo responsabilidad.

**APPAREL**

**BOAT ACCESSORIES**

**TODOMAR**

f TodomarAruba @TodomarAruba TodomarAruba +297 585 0555

**FISHING TACKLE**

**FIBERGLASS PRODUCTS**



Minister Xiomara Maduro:

## Aruba ta cumpli 35 aña como miembro asocia di UNESCO



**M**inister Xiomara Maduro a informa durante un Conferencia di Prensa cu Pais Aruba a conmemora 35 aña cu Aruba a bira miembro asocia di United Nations Educational, Scientific and Cultural Organization, UNESCO.

### UNESCO

UNESCO ta e organisacion di Nacionnan Uni cu ta traha riba tereno di educacion, ciencia, cultura, comunicacion y informacion. E meta final UNESCO ta pa crea un cultura di pas den mundo y sociedadnan den cua educacion, ciencia, cultura y comunicacion y informacion cu e ta pilarnan central. UNESCO su network local y internacional ta habri pa dialogo, intercambio di idea, compartimento di conocimiento basa riba investigacion.

### Comision Nacional pa UNESCO y Secretariado

Pa alinea e trabounan di UNESCO pa Pais Aruba a institui un Comision Nacional pa UNESCO (NUC) cu ta wordo presidi pa e mandatario y tin como vice-presidente sra. Annemarie Proveyer-Groot y como miembronan ta fungi sr. Peter Scholing, sra. Regine Croes y sr. Siegfried Dumfries. Pa prome biaha Aruba tin un Secretariado formalisa cu un especialista pa cada un di areanan di trabou di UNESCO. E Secretariado ta consisti di sra. Marushka Tromp, cu ta e Secretaris General di NUC, como especialista riba e tereno di Educacion, ta sra. Nora Eleonora, como especialista riba e tereno di Cultura sra. Ruby Eckmeyer, como especialista riba e tereno di Ciencia Sr. Marck Oduber y documentalista di e Secretariado ta sra. Suhail Zaandam.

### Scolnan asocia na UNESCO

Recientemente na Aruba cuatro scol a bira miembro di e network di 'Associated Schools Network' di UNESCO. E beneficio di e scolnan cu ta miembro ta cu nan ta wordo inclui den

tur actividad di e network internacional di UNESCO. UNESCO lo comparti informacion cu e maestronan, e muchanan por participa na actividadnan online y lo por crea denter di e topico un actividad na Aruba mes. Tambe Pais Aruba ta den proceso pa prepara un intercambio cu scolnan cu ta miembro hunto cu Corsou y Hulanda.

### Aruba anfitrión di Reunion Anual di Mowlac

Minister Xiomara a comparti e bon noticia cu e Comité Regional di UNESCO di e programa 'Memory of the World' – MOWLAC, a acerca Pais Aruba pa ta anfitrión di e 22 reunion anual cu pa prome biaha ta wordo tene na Aruba na luna di november. E dignatario a subraya cu e ta masha orguyoso di esaki ya cu MOWLAC a scoge Aruba pa motibo cu Pais Aruba ta e pionero riba tereno di digitalisacion y presentacion di su herencia documental. Pa e mesun motibo aki Aruba a haya asiento den e Comité pa e proximo 4 aña. E tema di herencia documental ta esencial pa discusionnan riba escogencianan pa futuro. Minister di Cultura a informa cu profesionalnan di Biblioteca Nacional Aruba, Archivo Nacional Aruba hunto cu UNESCO ta trahando hunto pa organisa e reunion anual.

### Gradicimento

Minister Xiomara ta gradici cada un miembro di NUC, sra. Annemarie Proveyer-Groot, sr. Peter Scholing, sra. Regine Croes y sr. Siegfried Dumfries pa nan trabounan eherce. Tambe e mandatario ta gradici cada un miembro di e Secretariado, sra. Marushka Tromp, sra. Nora Eleonora, sr. Marck Oduber, sra. Ruby Eckmeyer y sra. Suhail Zaandam pa nan dedicacion y bon trabou.

Alabes Minister di Cultura ta yama danki na tur partnernan den nos comunidad cu a participa, sostene y implementa e trabounan conforme UNESCO internacional.



# Apertura exposicion na biblioteca



**B**iblioteca Nacional Aruba ta presenta e di tres parti di su exposicion 'Primary colors'. E biaha aki e color cora ta domina den e coleccion di obra. Esaki ta un exposicion di un grupo di Artesano, Artista y fotografonan y ta tuma luga den biblioteca su Sala di Exposicion for di dia 12 di october te cu dia 3 di november.





## Mirrors Beauty Academy

by Edgar Kock

### Ta Busca:

**Manicurista y pedicurista:**  
Apart di domina Mani y Pedi mester haci siguiente techniques

- Full Set
- Incrustacion
- Gel Color
- Mano alzada
- Alto relieve y 3d
- Pintura al frio
- Bajo relieve

> Ta un pluspunt si por haci Pedicure Medico pa hende diabetico conosi Quiropedia

**Peluquero / Estelista**

- Bayalage
- Ombre
- Tiña
- Peinado
- Highlights
- Corte di cabey largo y cortico pa damas y caballeros
- Lowlights

> Ta un plus punt si por haci makeup

Tin posibilidad pa tramita permiso legal pa por traha legalmente

**Tuma contact cu Edgar: 5601316 - 7320110 - 5820110**



Prome Minister Evelyn Wever - Croes:

# Alcalde di isla Roatan a bishita Aruba pa mira con e incinerator ta funciona



Aruba a ricibi bishita di Alcalde di Roatan un isla cu ta pertenece na Honduras, sr. Ronnie McNab y su delegacion. Motibo di e bishita tabata pa mira con diferente proceso ta tuma luga na Aruba, entre otro e uzo di incinerator pa miho maneho di desperdicio, den cuadro di e similaridad cu e islanan tin. sr. McNab a indica cu ta admira con organisa y desaroya Aruba ta, cual ta e deseo cu tin pa Roatan tambe. Prome Minister Evelyn Wever - Croes a expresa cu e encuentro tabata hopi ameno.

Prome Minister Wever - Croes a splica cu e team cu a bishita Aruba a elogia Aruba pa con desaroya Aruba ta, pero tambe pa e forma con ta atendiendo cu desperdicio y e uzo di e incinerator.

Roatan ta un isla cu ta pertenece na Honduras y e ta depende principalmente di turismo. Compara cu Aruba cu ta ricibi mas tanto turista 'stay over', Roatan ta ricibi mas tanto turismo crucero. Un otro similaridad ta, cu e isla tin mas o menos 100 mil persona ta biba.

Considerando e similaridad aki, a intercambia diferente idea di loke ta traha bon cerca nan cu lo por funciona na Aruba y vice versa. A palabra cu den futuro lo sigui intercambia ideanan.

## Director di DOW - Marlon Croes

Sr. Marlon Croes a splica cu na Honduras nan ta explorando otro forma mas innovativo pa deshaci di sushi diario cu nan ta produci. Den cuadro di esaki, nan a bin den contacto cu un compania internacional cu ta deliver incinerator na

Inglatera y nan a wordo recomenda pa wak esun na Aruba como cu e ta den operacion. Sr. Croes a duna di conoce cu e team a keda hopi satisfecho cu con e incinerator ta funciona y con ta kima e sushi den forma responsabel pa salubridad publico, teniendo medio ambiente na cuenta.

A base di e informacion cu nan a haya di e team di DOW cu ta opera e incinerator, e profesionalnan a expresa cu nan lo cumpra 2 of 3 incinerator pa instala na Honduras riba e isla di Roatan. Cu e meta pa reduci e cantidad di sushi cu tin, y pa cera nan landfill (termino largo). Ademá, nan a menciona cu nan ta wak Aruba mane un role model pa loke ta ordenacion, personanan gentil, isla limpi, bon manteni y nan tambe tin e deseo pa yega unda Aruba ta, sr. Croes a bisa.

## Alcalde di Roatan Ronnie McNab

Sr. Ronnie McNab a gradici Prome Minister Wever - Croes pa a ricibi y su delegacion. Nan ta hopi contento di por a ricibi e oportunidad pa trata temanan cu ta concerni ambos isla. E deseo ta pa mira Roatan bay dilanti y a traves di e bishita aki por a haya un bista di con e por wordo haci entre otro riba tereno di uzo di e incinerator pa atende cu maneho di desperdicio. 'Nos ta aspira pa tin un desaroyo igual cu Aruba na nos isla un dia, y pues kico ta mas miho cu papia cu esnan encarga cu esaki,' sr. McNab a expresa.

Prome Minister Wever - Croes a termina bisando cu sr. McNab y henter e delegacion a keda impacta cu Aruba y e desaroyo cu nan a mira, cual ta haci bo orguyoso.



Minister Geoffrey Wever:

## Sociaal- Economische Raad ta importante pa Aruba



**D**urante e celebracion di 35 año di existencia di Sociaal- Economische Raad (SER), Minister di Asuntonan Economico, Comunicacion y Desaroyo Sostenibel, Geoffrey Wever a elabora riba con gobierno di Aruba ta wak e rol di SER den futuro.

Celebracion di 35 año di existencia di Sociaal- Economische Raad ta un momento historico den trayectoria di nos isla como pais autonomo den reino Hulandes. SER como un organo consultativo ta un instrumento valioso den e proceso di maneho di Pais Aruba.

Gobierno di Aruba ta haya esencial cu Parlamento di Aruba, cu ta representa nos pueblo tin mas instrumento pa fortifica su trabao.

Pa e motibo aki conseho di minister a ratifica su decision pa ampliacion di conseho door di SER, no solamente na gobierno, pero tambe na Parlamento di Aruba. E ampliacion aki lo forma e brug entre e Parlamento di Aruba y Gobierno den e proceso di maneho.

Cambio di ley ta necesario pa asina Parlamento di Aruba por pidi SER conseho y rapportnan cu sigur lo



contribui na e ehercemento di e organo mas halto di Pais Aruba. Cu ampliacion di conseho di SER na Parlamento di Aruba tambe, representantenan di nos pueblo tin un instrumento mas den e proceso di maneho cu segun minister Geoffrey Wever lo sigui fortifica nos institutonan pa garantiza nos democracia y stimula desaroyo di nos isla.

“Mi ta kere cu den nos democracia ta

importante cu parlamentarionan tin instrumentonan pa haci un bon trabao y controla gobierno y cu SER lo por contribui den esaki”, segun minister Geoffrey Wever.

Den nomber di Gobierno di Aruba, minister Geoffrey Wever ta felicita SER cu su 35 año di existencia, 35 año di contribucion na desaroyo di nos isla. Pabien!



# Cas Princesa Aruba su instalacion di reina

E cas di e reinanan infantil y pre-teen di Aruba esta Cas Princesa Aruba recientemente tawata tin e instalacion di su participantenan pa 2022 den Cas di Cultura.

E bunita competencia aki tin tres categoria cu ta esun di Princess Beauty, Little Beauty y Pre-teen Beauty Aruba.

Pa categoria Princess Beauty tin 4 candidata cu ta Carly-Yenne Maduro, R-Angelle Sneek, Adriana de los Santos Lantigua y Leyni Boekhoudt.

Categoria Little Beauty tin dos candidata Thaheeli Geerman y Elise Heronimo. Pre Teen Beauty tin 4 candidata cu ta Maya Gordon, Mia Mc Collum, Sherrely Boekhoudt y Kiana Filomena.

Prome cu e final cu ta dia 6 di november 2022, lo tin un programa educativo cu entre otro bishita na Ayo Rock Formation, fotoshoot y tambe les di higiena dental cerca Mirto Tromp.

Cas Princesa ta un fundacion cu tin un total di 10 aña di existencia. E presidente ta juffrouw Jessica Anthonij, e grupo di baile di Cas Princesa ta Diamond Dance y e maestro di ceremonia oficial ta Addonsito Croes.



## Parlamentario Shailiny Tromp-Lee a participa n'e congreso di SER

En conexion cu nan 35 aña di existencia

**D**iaranson 19 di october como Lider di Fraccion di MEP Shailiny Tromp-Lee a participa na e congreso di Sociaal Economische Raad (SER) en conexion cu nan celebracion di 35 aña di existencia. E congreso tabatin como nomber: 'Dynamiek Tripartiet Social Dialoog binnen Sociaal Economische Raden'.

Durante e atardi diferente orador a hiba palabra e.o., nos Minister President sra. Evelyn Wever-Croes, Minister Wever, Secretaris/director SER Hulanda, Sint Maarten y Curaçao. Accento tabata mas tanto riba e historia di e organo y e rol importante di SER pa nos pais y comunidad. Alabes a pasa riba e progreso cu nan como organo a conoce durante añanan y kico ta nan retonan. Otro aspecto hopi interesante cu a keda presenta ta nan relacion cu e metanan di desaroyo sostenibel. Cada SER riba nan mes tin diferente proyecto y metanan pa futuro y a para keto na kico tur tin den tapara den e luna y añanan nos dilanti.

Manera nos Minister President corectamente a trece padilanti, SER como un organo di deliberacion y conseho independiente den e sistema democratico semper a percura pa



e 'checks and balances'. Alabes mediante SER e partnernan social tabatin e oportunidad pa contribui na e maneho socio economico di Aruba. Consehonan di SER ta keda consulta y ta di balor pa e proceso di tuma decision pa cu stipulacion di maneho of proyecto. Algo cu sigur, mediante ehempel, a keda enfatisa pa Minister Wever.

Shailiny Tromp-Lee ta contento di por a forma parti di e dia aki y ta yama un biaha mas masha pabien na SER y ta desea nan tur clase di exito den nan trabou.



Minister Ursell Arends:

# Mas cu 1 den cada 5 persona ta adulto mayor

Charla Informativo Directie Ouderenzaken

**D**iaranson 19 di october a tuma luga e di dos charla informativo di Directie Ouderenzaken, Centraal Bureau Statistiek Aruba (CBS) y Ministerio di Adulto Mayor unda a comparti diferente datos di Adulto Mayor Femenino na Aruba.

Como panelista tabata t'ey presente Sra. Desiree Helder di CBS, Sra. Jocelyne Croes – Lider di Comision Nacional pa Igualdad di Genero y Sra. Magaly Maduro di Fundacion Contra Violencia Relacional.

Sigur un mainta unda a comparti hopi informacion unda a elabora riba varios tema cu ta toca adulto mayor femenino e.o. composicion di poblacion, diferente tipo di abuso y e importancia di uni hunto pa wordo scucha. Informacionnan cu tin cu ta consciente di dje ambos pa maneho di adulto mayor pero tambe como ciudadano. Resaltante ta cu mas cu 1 den cada 5 persona ta adulto mayor y 1 den cada 10 persona ta adulto mayor femenino. 'Vergrijzing', esta embehecimento di poblacion na Aruba ta afecta nos tur y ta trece retonan cu ne pa nos Pais. P'esey e data cu CBS ta provee ta di suma importancia pa asina por traha riba solucionnan cu e vision pa un miho calidad di bida pa nos adultonan mayor.

Durante e charla tabata tin oportunidad pa esnan presente haci pregunta, comparti nan preocupacionnan y conta di nan experiencia como adulto mayor. Si no a logra di atende e charlanan, por wak e videonan cu ta actualmente disponibel riba e pagina di Facebook di Directie Ouderenzaken y tambe por encontra e lista di actividadnan di diferente gruponan di bario y fundacionnan pa luna di october.

Directie Ouderenzaken ta gradici e panelistanan y tambe moderador Edward Erasmus pa un tremendo presentacion. Tambe palabra di danki ta bay na Centro di Bario Savaneta y Grupo Samen Oud di Savaneta pa permiti nos organisa e charla aki durante nan encuentro. Ta planeando mas charlanan informativo pa asina sigui stimula participacion activo den luna di october y ta premira cu lo continua cu e charlanan den luna di november tambe.

Minister di Asuntonan di Adulto Mayor, Sr. Ursell Arends ta recorda comunidad di Aruba cu tin diferente actividadnan durante ful luna di adulto mayor cu ta relata na e cuido y bienestar di nos adultonan mayor y ta haci un yamada na 60+ y tambe na famianan pa atende y participa na e actividadnan aki.





## Detencion pa menasa

**WILLEMSTAD** - Diahuebs 20 di october 2022 alrededor di 19.04'or, Central di Polis a dirigi un unidad policial na un cas na Mahuma caminda un homber tabata menasando un dama cu morto.

Na yegada di e unidad, polis a topa cu e homber sospechoso F.S.J., nace na Haiti di 54 aña.

Na e sitio a haci detencion di homber aki pa e caso ariba menciona.

A presenta e sospechoso dilanti di un fiscal auxilia, cu a ordena su encarcelamento pendiente di mas investigacion.

## Detencion pa ladroncia di auto

**WILLEMSTAD** - Continuando cu un investigacion relaciona cu un caso di ladroncia di auto cu a tuma luga dia 6 di april 2022 riba Sta. Rosaweg, caminda desconocinan lo mester a bay cu un auto, polis a haci un detencion. Diabierna 21 di october 2022, alrededor di 06.45 di mainta Response team hunto cu team di Joyriding a haci detencion di e homber sospechoso J.C.E., nace na Corsou di 34 aña.

Durante di su detencion na su cas na Montagne Rey a haya y a confisca dos auto.

A presenta e sospechoso dilanti un fiscal auxilia cu a ordena su encarcelamento pendiente di mas investigacion.

Area grandi a perde coriente

## Ladroncia di waya di coriente a bolbe lanta cabes

**WILLEMSTAD** – Ilegalidad di kita waya di suministro di coriente y bay cu esakinan a bolbe lanta cabes. Durante di e ultimo dianan, na dos ocasion, clientenan den un area specifico a meld Aqualectra su centro di cliente cu nan a perde coriente.

Durante investigacion di e causa di perdida di coriente, tecniconan di Aqualectra a keda confronta cu un situacion caminda intencionalmente a causa un desconexion riba red di distribucion di Aqualectra, p'asina coy e waya di coriente cu ta pasa den e postenan di Aqualectra.

E acto ilegal aki a tuma luga den barrio di Rooi Santo. Aproximadamente 100 cas a keda perhudica ora cu malhechornan a comete e acto di ladroncia, poniendo cu e casnan aki mester a keda sin coriente te ora cu por a bolbe instala waya di coriente di nobo.

Aparte di perhudica e clientenan di Aqualectra y causa Aqualectra gasto innecesario, e ladronnan ta pone nan mes bida na peliger cu e acto aki. Aqualectra kier adverti cu lo atende cu man duro cu tur esnan cu ta comete e acto aki.



Pa basta tempo Corsou no a conoce e tipo di ladroncia aki.

Sinembargo e incidentenan, un tras di otro, ta indicacion cu ladroncia di e forma aki a bolbe lanta cabes. Ambos ladroncia a keda comete den oranan di marduga pa habri mainta. Na e sitio por tuma nota cu e ladronnan no ta tene cuenta cu e peliger cu nan ta expone nan mes na dje ora nan comete e acto consehabel aki. Aqualectra tin atencion special pa e ladroncia di kabel di coriente y a denuncia e casonan aki na autoridad.

Aqualectra kier pidi cooperacion di comunidad pa na dado caso nota algun individuo ta intenta of comete e ladroncia aki, pa mesora raporta esaki na Aqualectra. Aqualectra lo aprecia si por saca potret of video di e situacion ya cu esaki ta yuda den atendemento di e kehonan.



# Muhe divorcia kier a saca sla for di cumprado di tereno

**WILLEMSTAD** - Hues sa haya casonan inverosimil pa husga y dicta sentencia husto den casonan caminda un pareha cu a divorcia pero e homber a bende un parcela registra na Kadaster pero no a duna e muhe su parti. Esey a sosode tempo e pareha tabata casa cu otro ainda. E matrimonio a dura 10 aña y tabata den comunidad di bien, parti di cual tabata un tereno. Na aña 2003 e ex esposo dje muhe a bende e tereno pa 10.000 florin cu un tercer persona pero no a duna e muhe mita dje cen manera lo mester tabata e caso. E doño nobo a traha apartamento riba e tereno y na 2018 e cumprado a haya acta di su propiedad cerca notario. E ex señora dje homber cu a bende e tereno a reclama 15.000 florin como su parti dje benta di tereno cu a subi na balor riba cual e doño nobo a pidi pa laga e suma na 10.000 florin. E caso ta bay den 'fast forward' y ora e ex esposa no a mira 'hannes' (placa), el a pidi hues permit pa pone beslag riba cuenta di banco di su ex casa. Esaki na su turno a pone un contra-beslag di 50.000 florin pasobra e actonan dje ex casa a cause daño financiero. E ex esposa den pasado a coopera pa pasa e acta di propiedad riba nomber dje señor cu a cumpra e tereno pero el a sufri un desilusion pasobra e doño nobo a paga un biaha caba pa e tereno y no



tabatin intencion di paga un biaha mas.

E doño nobo a husga cu ta e ex casa a hunga rol di Chatiger y cu ya e dobel seis a cay y a la fin a la fan e cuenta a caba.

Hues a bolbe repasa tur capitulo dje historia deshonesto y na final no a duna ningun dje dos personanan, esta e ex 'pareha', rason pa ni paga ni cobra. Na final e unico cu a sali perhudica ta e ex señora cu a hay'e ta paga e gastonan dje proceso.

## Xiomar Winklaar, aunke den prizon cera, a coopera pa blackmail y chantahia un otro ciudadano

**WILLEMSTAD** - E prizonero cu yama Xiomar Winklaar y cu tin 23 aña di edad, ta den bastante chucumpe caba, pasobra e ta cera den prizon aya na Coraal Specht.

E homber aki no ta gosando di su libertad, toch un conoci di dje (Shalava) a involvi Winklaar den un caso di chantahe y blackmail di un señora di e inicial T.R.L. E señora T.R.L. tabatin relacion amoroso cu un tercio, kende el a permiti saca su potret sunu.

E relacion amoroso entre tanto a conoce su punto final y 'meneer' awor a sinti e necesidad pa blackmail y chantahia T.R.L., bisando cu e mester paga 3000 florin, sino ta public'e sunu riba medionan social, esta riba whatsapp y facebook. E plan macabro aki a keda traha y e prizonero Xiomar Winklaar tambe a haya un tarea pa cumpli cu ne. Aunke den prizon, Xiomar Winklaar a manda varios whatsapp pa T.R.L. pa presiona y splic'e cu e mester paga sino ta sak'e sunu den medionan social. E prizonero Xiomar Winklaar (aunke cera den prizon) a haya un persona dispuesto pa ehecuta e job di tuma e saco di placa na altura di McDonald Santa Maria. Dia 17 di mei 2022 e suceso aki lo mester a tuma luga. Ta trata aki di un primo di Xiomar Winklaar cu mester a bay McDonald Santa Maria pa busca e saco di placa. Fiscal señora mr. Ter Borg a mostra e acusado Winklaar cu e ta mucho mas meti cu e kier

admiti. Confrontando e acusado cu detayenan di e investigacion, fiscal mr. Ter Borg mester a tende e acusado bisa cu e no ta corda cierto cosnan cu a sosode. E tabata uza e telefon mas bien pa mantene contacto cu su mama y otro famianan. Mas cu claro cu polis a cay aden y a gara tur esnan meti den e acto repudiabel aki. Abogado mr. Russel Martis, encarga cu defensa di Xiomar Winklaar a yama atencion pa e hecho cu su cliente te den prizon cera y toch ta keda presiona pa haci malo. Xiomar Winklaar ta tur mal para caba, e abogado a trece padilanti.

Esey debi cu e ta cera y ta un tal Shalava a haya cu Xiomar Winklaar mester haci e job teribel ey pe. E abogado a mostra tambe cu a pone su cliente bou di presion, no ta e cliente aki a bini cu e iniciativa pa blackmail y chantahe di T.R.L., no ta e cliente aki tampoco ta dispone di e imagennan di T.R.L. Den sala di corte Xiomar Winklaar a sigui bisa cu e no tabata sa tur detaye, el a kere cu ta placa so e mester a percura pa su primo bay busca. Shalava a pidie pa soru pa un hende bay busca e placa cerca T.R.L. y asina ey el a gana su primo asina leu pa haci e favor. Xiomar Winklaar ya ta sintando un castigo bastante largo y cu e delito aki, su chens pa haya reduccion den e castigo ta notablemente menos. E denunciante a actua corecto, el a tene cabes friu y a soru pa e chantahe keda corta te den tom dor di haci denuncia.

E asunto a keda na un intento y nada mas. Xiomar tin un pasado cu husticia, el a cay cera pa droga y asesinato. Fiscal señora mr. S. Ter Borg a demanda un castigo di prizon di 14 luna pa Xiomar Winklaar, pero hues mr. G. Verbeek a tene na 10 luna castigo di prizon, kitando e periodo den aresto preventivo.

## Fortaleza Pa Famia

# Urgente, urgente, sali for di scuridad

**PASOBRA** nos lucha, no ta contra carni y sanger, sino contra e gobernantenan, contra e podernan, contra e forsanan mundial di e scuridad aki, contra e forsanan spiritual di maldad den e luganan celestial.

(Efesionan 6:12)

Esaki ta e mensahe cu nos a tende di dje y ta anuncia na boso, cu Dios ta luz y den dje no tin nada, nada di scuridad. (1 Juan 1:5)

Esaki t'e condenacion cu e luz a bini den mundo, y hende tabata stima e scuridad mas cu e luz pasobra nan echonan tabata malo. Pasobra esun cu ta haci maldad ta odia e luz, y no ta bini na e luz pa su echonan no wordo exponi. (Juan 3:19-20)

Cuanto mas nos mester splica nos hubentud tocante di luz y scuridad, cuanto mas bida mester bay perdi, cuanto accidente mas mester sosode, cuanto mayor mas mester yora perdida di nan yiu prome cu hobennan por scucha.


Hobennan un cos nos por bisa boso cu diabel ta real, y cu diabel ta cana rond buscando ken e por destrui, y den cada hende desobediente na Dios, e ta traha un estadia den nan mente caminda pa asina e autorisa maldad. (Juan 10:10 -Santiago 4:7)

Specialmente den e luna aki cu tin celebracion di e fiesta di Halloween, algo cu nan ta bisa ta wega, pero cu tin un profundidad satanico, algo cu a bira un negoshi, pero den dje tin un daño mental y spiritual pa hopi hende.

Locual abo ta mira como un wega ta cuminda pa diabel, pasobra hopi ta anuncia fiesta publicamente, pero que hubo di e fiestanan cu ta tuma luga scondi, esnan di grupito, cu kier experimenta.

Mayornan por fabor no coopera cu maldad, no permiti ningun fiesta di scuridad tuma luga na bo cas. Y hasta hotelnan mester tene cuenta, pasobra nos ta un isla turistico, pa no permiti bagamunderia satanico tuma luga den cambenan.

Hesus a bisa lo siguiente: Pa habri nan wowo, pa nan bira for di scuridad pa luz y for di dominio di satanas na Dios, pa nan ricibi pordon di pica, y un herencia entre esnan cu



a wordo santifica pa medio di fe den Mi.  
(Hechonan 26:18)

E uzo di alcohol y droga, e coremento burachi causa accidente, e canamento cu arma, e violencia, e tiramento, e inmoralidad sexual tur ta obranan di scuridad.

E asunto di genero cu operacion pa cambio di sexo di hoben, tur e cosnan cu ta drentando tur caminda rond mundo y cu nos ta roga na Dios pa nan no yega aki banda, ta echonan di scuridad.

Pasobra scuridad semper ta bay contra e berdad, boluntad, y principianan di Dios. Nos mester tene cuenta cu ley por wordo cambia of kibra, pero principianan estableci pa Dios ningun hende por cambia nan.

Anochi ta cerca di pasa, y dia ta cerca di habri, p'esey laga nos pone obranan di scuridad un banda, y bisti e armadura di luz. (Romanonan 13:12)

Corda bon cu luz y scuridad no tin comunion cu otro.

Mayor cada biaha cu abo permiti bo yiunan ta haci cosnan for di regla, abo mes ta fia auto na un menor di edad, sin rijbewijs pa asina e sali cu su amigonan y core cu Icejug den bahul yena cu ijs y bebida alcoholico, bo ta habriendo porta di scuridad pa bo propio yiu.

Scuridad kier tapa mundo completo, pero Cristo Hesus ta e luz di mundo, y si nos ta na Su banda, scuridad lo aleha for di nos. (Juan 8:12)

*Sinceramente, Pastor Marcel Balootje*






*Every life is noted and is cherished,  
and nothing loved is ever lost or perished.*

## Tributo na San Juan Pablo II Patrono di Hornada Mundial di Hubentud

Di mucha Polaco  
pa Santo Universal

Di mucha Karol a sufri masha  
hopi mes  
ora prome cu el a haci nueve  
aña  
su mama stima a bay lag'e.  
Y su ruman homber Mundek,  
e dokter hoben, despues  
tambe a fayece.



Di hoben un gran deportista e tabata  
den su estudio el a profundisa  
y diferente idioma el a sa di domina.  
Ta na Dios el a dedica su mes,  
a skirbi poema y hunga rolnan teatral.

Di adulto Karol tabata un ser agradabel,  
hopi activo y c'un forsa religioso asombroso.  
El a sa di biba den un pobresa grandi,  
a pasa den miedo teribel ora cu casi 21  
a yega cas fe trabou y su tata ya a bay sosega.

Como Polaco den un pais totalitario  
oprimi cu no conoce democracia,  
scondi el a bay seminario clandestino.  
Ay si e Alemannan a gar'e, morto sigur  
e lo tabata den un campo di concentracion.

Como Santo el a wordo proclama,  
rond mundo su milagernan a bira conoci  
y un gran amor pa hobennan e tabatin  
Santo stima, Aruba tambe ta honra B'awe  
c'un Caya na Dakota y na T.L. ... un Parokia

Como pueblo, nos lo recorda Bo semper  
Ora nos pasa dilant'i nos Pro-Catedral  
y admira e busto magestral dje escultor Abath  
Y rondo di dje, e plenci di e misa  
c'a hay'e nomber di "Plaza San Juan Pablo II"

Totus Tuus, Maria!

Marva J. Solagnier-Marquez  
2015 couplet 1-5 // 2022 couplet 6

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Cado Wever.

Cu dolor na nos curason,  
nos ta participa fayecimento di:

### Sra. Elvira Madelin Croes

Mihor conoci como "Malin"  
\*25-01-1958 - †11-10-2022



Na nomber di su:

**Yiunan:** Elvis Alberto de Mei y esposa  
Mauray y famia  
Angelo y esposa y famia  
**Nietanan:** Angeliss y Madeline Croes  
**Nietonan:** D'Angelo y Miguel Croes

**Rumannan:** †Everaldo y sra Simona y famia  
Filomena y famia  
Maria y famia  
Roy y esposa Luisa y famia  
Aurelia y famia  
Xiomara y esposa y famia  
Juan  
Regina Barrett y famia  
Tico Barrett y famia  
Tantanen: Clarita yesposu y famia  
Yvonne y famia

**Omo:** Ricardo Croes

**Sobrino(a)nan:** Maria Elena y Vincent y yiunan, Natalia y  
Giovanni y yiunan, Jahaira y esposo y yiunan, Jean Mark y  
esposa y yiunan, Mia y Xmarie, Antony, Kendrick, Giovanito,  
Estiven, Juan Luis, Jennifer, Regina Sabina, Randeska y famia,  
Rudy y esposa y famia, Joyce Angelo, Gregory, Anthony,  
Giovanni, Joselito, Andin y esposo y yiunan, Stephany y esposo y  
yiu.

Primo y primanan y conocirnan

**Cuñia:** Vda. Simona Croes y famia

**Ex cuñia:** Elmira Winterdaal cu a stimele hopi.

**Comer:** Maria Martina

**Amiga:** Mena Bislik y famia.

**Bon bisiñanan:** Delia Lacle, Jesse Seelochan, Ludwina Tromp,  
Sharisa Kock, Flor, Ulrich Jacobs, Famia Hertz, Rosa y Robert, Lisa  
y Eugene.  
Amiga y amigonan di Young Fellow

**Demas famia:** Croes, de Mei, Kock, Jansen, Kelly, Georgio, Thiel,  
Lacle, de los Santos, Zuleta Rave, Kaersenhout, v/d Biest, Barrett,  
Tromp, Rodriguez, Krozendijk, Koeiman, Linares, Chan, Ling.

Ta invita pa acto di entierro cual lo tuma lugar **dialuna 24 di  
oktober 2022** di 2'or pa 4'or di atardi na Misa Birgen di Fatima na  
Dakota. Despues lo sali pa Santana Central Sabana Basora.  
Condolencia: Tamborstraat # 1

Please bini bisti na color nan alegra.





*Every life is noted and is cherished,  
and nothing loved is ever lost or perished.*

Lagrima y floran por seca, pero e recuerdonan y tur loke e la hasi y significa pa nos lo keda graba pa semper den nos mente y curason.  
"Serca Dios mi alma ta na pas, ta di dje mi salvacion ta bin"  
-Salmo 62:1

Cu inmenso dolor na nos curason, nos ta anuncia e fayecimiento di:

## Maria Mercedes Wester

Mihor conocí como Merci of Chichi  
17 February 1956 - † 13 October 2022

Na number di su:

**Mayor nan:**

† Jan Daniel Wester y Jacintha Wester-Bislip

**Yiu:**

Michelangelo y Alexandra Wester-Arends

**Nieto(a) nan:**

Otmar, Abigail y Ariana

**Ruman nan:**

Rudolf Wester y familia- su concubina Sra Antonia Polonia.

Elvira Y Medardo Thielman -Wester y familia

Richard Y Aurora (Linda) Wester -Croes y familia

Vivian Wester y familia

Hubert y Sita Wester-Albertsz y familia

Roland y Sheila Wester -Jacobus

† Leo Wester (Mama di su Jui Luz-Mary Diaz-Krozendijk)

**Subrino(a) nan:**

Carlos Wester y Carolina y familia.

Robert Wester y Miquel Iglesias

Ulrick Wester y Thixianne y familia

Jason, Giovanni, Gerswin, Sherwin, Franklin, Dwight, Ion, Damian, Ruel, J

ennifer, Naomie, Richinela, Maryleen.

**Tanta y Omonan:**

Felicita Wester y familia

† Napoleon y Violeta Wester-Dabian y familia

Pedro Wester y familia

† Marianita Dabian y familia

† Augustin Bislip

Felicia sint-jago bislip y juinan

† Lucia bislip

† Victorina Robles de Medina bislip y juinan

Modesta y Antonio Tromp-bislip y juinan

† Ignacio y Rafealita bislip-kock y juinan

Tur primo y primanan, comer y compernan su hijanan, amigo y amiganan, conocirnan y bisinja nan.

**Demás familia nan:** Wester-Bislip-Palonia-Thielman-Croes-Wever-Albertsz-Jacobus-Krozendijk-Yglesias-Arends-Schwengle-Perez-Kock-Aguilera -St Jago-Gesterkamp-Vrolijk-Iglesias-Robles de Medina-Arrindell-Tromp-Dabian-Harms-Geertruida-Martinez.

Acto di entierro lo tuma lugar: **Diasabra 22 oktober 2022** di 9 or te ku 11 or di mainta na Misa Imaculada Concepcion y después saliendo pa Santana Católico na Santa Cruz.

Nos ta pidi nos disculpa si den nos tristeza nos por a lubida un of mas familia.

Después di entierro nos No ta ricibi bishita di condolencia na cas.



Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Cado Wever.

Cu dolor na nos curason, nos ta participa fayecimiento di:

## Frederik H. Patist

\*18-01-1942 - †17-10-2022

Na number di su:

**Casa:** Xiaoqing Xie

**Yiunan:** Yolanda ey Jack

Marquerita y Johan

Chen Ying Sheng y Connie Li

**Nietonan:** Monique y Paul

Jeroen y Joan

Cathy

Sven

**Bisanieto:** Jordy y Emma

Raiden y Nino

**Demas familia:** Patist, Xie, Wiersma y Bitter

Ta invita pa acto di despedida y condolencia cual lo tuma lugar na Aurora Funeral Home **diasabra 22 di oktober 2022** di 9'or pa 11'or di mainta. Cremacion lo tuma lugar despues.



Mi Dios, Mi Señor, Mi Salvador  
Cu Bo amor infinito tenemi den Bo braza  
Ya no tin scuridad  
Unicamente Bo Luz briyando

Cu hopi tristesa nos ta participa fayecimiento di:

## Sra. vda. Petronilia G. Franken-Raven

Cariñosamente yama "Chichi"

\*18-12-1934 - †20-10-2022

Acto di entierro lo wordo anuncia despues



"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa frankil,  
Pa mi bolbe haña forsa."  
Salmo: 23

Nos ta anuncia fayecimiento di:

## Olivia Yolanda de Jongh

\*09-07-1943 - †16-10-2022

Acto di entierro lo wordo anuncia despues.





*Every life is noted and is cherished,  
and nothing loved is ever lost or perished.*

Cu profundo tristesa na nos curason  
nos ta anuncia fayecimento inespera di nos yiu,  
casa, mama, ruman, prima, sobrina, y amiga stima:



## Giannina Silvia Davies-Kelly

\*30 october 1980 – †13 october 2022

**Mayornan:** †Sinda Croes  
Giovanni Kelly

**Casa:** Fred Davies

**Yiunan:** Tianna, Matthew y Jakob

**Rumannan :** Giovannino Kelly y Josh Sammon  
Giovannill y Lydia Kelly

**Tanta y omonan:** Ephrem y Linda Croes-Tromp  
Meachel y Mayra Croes-Tromp  
Carlo y Francis Croes-Werleman  
Ricky y Xiomara Croes-Williams  
Henry Croes y Disney Correa  
Myrna Kelly  
Arturo Kelly  
Rossi Kelly  
Roy Kelly

**Primo y primanan:** Ellen Croes, Rhamsey y Renate Croes-  
Hogendoorn, Gerrit Croes, Angelo Croes y Nicole Oduber, Jennyfer  
Croes y Jairo Oduber, Carhina Croes, Carolina y Eldrick Pannefle-  
Croes, Caldric y Yendy Croes-Alvarez Narvaez, Emma Croes,  
Jhendrick, Jhennelly y Alexa Croes, Julianne Dijkhoff, Giancarla  
y Andre Postema, Vanessa Kelly, Angelique, Benjhamino y  
Charmaine Giel.

**Suegro y suegra:** Warren y Georgette Davies

**Sua y cuñanan:** Stephanie y Phill Cann y familia  
Kathryn y Wess Ruff y familia

**Mihor amiga(o)nan:** Annique Wever (manera su ruman), Gionina  
Engelhardt, Dianhdra Howell-Erasmus, Zahaira Wever, Carol  
Bikker, Shayenne Giel, Virmar Quandt, Jennyfer Croes, Charlotte  
Samson, Geraldine Maduro, Veronica Bernal, Fiolina Colussa, Ethlyn  
Winterdal, Jun Maduro y Eldrick Danje.

**Famianan:** Croes, Kelly, Davies, Sammon, Maduro, Tromp,  
Werleman, Williams, Correa, Hogendoorn, Oduber, Pannefle,  
Dijkhoff, Postema, Giel, Cann y Ruff.  
Y demas familia, amigo y conocirnan.

Acto di entierro lo tuma lugar riba **diasabra 22 di oktober 2022** di  
1or pa 3:45 di atardi na Aurora Funeral Home, despues saliendo pa  
Santana Central na Sabana Basora.

Nos ta pidi disculpa si nos por a lubida algun familiar di e defunto.  
Ta lamenta cu despues di entierro no ta ricibi bishita di condolencia  
na cas. Ta conseha uso di mondkapje/tapaboca

Hopi bo a duna nos, hopi bo a nifica pa nos.  
Diripente bo a bay for di nos, lo bo sigi biba den nos curason.

Tristo pero conforme cu boluntad di Dios y cu tur loke e la nifica  
pa nos, nos ta participa fayecimento di mi casa, mi mama, nos  
wela, nos ruman,

## Isaura del Socorro Krozendijk – Sardá

Miho conoci como Cachi of Nana  
\* 7 augustus 1952 - † 15 oktober 2022



**Su mayornan:**  
† Antonio y † Ana Maria Sardá – Cobo

**Su casa:** Andresito Krozendijk  
**Su yiunan:** Isandra Krozendijk  
† Andres Krozendijk

**Su nietonan:** Andrew y Cayden Krozendijk  
**Su rumannan:** † Enrique Sardá  
† Eudisia Richardson – Sardá  
Lourdes Sardá

**Manera ruman:** Alba Luz Ortiz

**Su sobrinonan:**  
Lysette do Rego y familia na Hulanda  
Nehomar Richardson  
Gerald Sardá y yiunan  
Seever Krozendijk – Dietwin Krozendijk – Albee Fernandes – Eliza  
Fernandes – Reuben Krozendijk – Tanhee Krozendijk – Kevin v/d  
Berg – Willy Dirks y nan familia

**Su swa- y cuñanan:** vdo. Willy Richardson - vda. Filomena y †  
Frans Croes – † Boei y vda. Ulrica Krozendijk – Shon Pe y Glenda  
Krozendijk - † Glenda Krozendijk y vdo. Jose Fernandes - † Edwin  
Krozendijk - † Ruben y vda. Marlin Krozendijk – Mirto Krozendijk –  
Hildreth y Rene v/d Berg y nan familia

**Su bon bisña- y amigonan di cas:** Mai Wester y Jasmine  
Lampe – Sharla Koolman – Nicolina Wernet – Humphrey Wernet  
– Franklin Sophia – Mirta Peterson – Nohely Sanchez – Jane  
Geerman – Elsida Bronswinkel – Gino Paesch – Ryan van der  
Biezen y nan familia

Su ex-coleganan di Aruba Trading Company  
Su ihanan, primo y primanan, comper- y comernan, amistad-  
y conocirnan y demas familia na Colombia y Republica  
Dominicana.

**Y demas familia:** Sardá – Cobo – Zambrano – Rivadeneira –  
Steenen – Hernandez – Ortiz – Velasquez – Cuello – Krozendijk –  
Bikker – Kock – Maduro – Croes – Koolman – Fernandes.

Ta invita pa asisti na acto di condolencia y ceremonia di  
despedida cu lo tuma lugar **diamars 25 di oktober 2022** for di  
2'or pa 4'or di atardi na Misa Birgen di Fatima na Dakota. Entiero  
lo tuma lugar na Santana Pastoor De Vries na Santa Cruz.  
Nos ta pidi disculpa si den nos tristeza nos a lubida di menciona  
number di un of mas familia.

Trahe: Alegre.





*Every life is noted and is cherished,  
and nothing loved is ever lost or perished.*

"Señor su precepton ta recto, ta alegre nos curason; Señor su mandamento ta cla, lus pa nos wowo. Respet pa Señor ta puru, ta dura pa semper; Señor su ordonan ta drechi, nan ta husto, un pa un. Nan ta mas deseabel cu oro, un monton di oro puro; nan ta mas dushi cu miel fo'i cas di abeha." (Salmo 19 II.8-10)

Cu profundo tristesa, pero conforme cu boluntad di Dios nos ta participa fayecimento di nos kerido Tata, welo, ruman y omo :

## Augustin Yarzagaray

Cariñosamente yama Gustin, pa su nietonan stima Papu  
Y pa su yunan Pa  
Fundador di Canashito Farm Supply  
Ex trahador di LAGO  
Ex trahador di ACI (Aruba Chemical Industries)

28 augustus 1936 – 19 di october 2022

**Su kerida esposa:** †Luisa Yarzagaray-Werleman

### Su yunan stima:

Gwendelyn (Lenny) Yarzagaray  
Dino & Paulina Yarzagaray - Guzman  
Giovanni & Wouter van Beek-Yarzagaray  
Louissette (Setty) & Patrick Christiaans - Yarzagaray

### Nietonan stima:

Gelmer (Brandon) Angela  
Shawn Angela  
Dylan Yarzagaray  
Emily Yarzagaray  
Mandy Yarzagaray

### Su rumannan:

† Dora Jarsagaray y famianan na Hulanda  
† Ana y Hubert Schotborg-Jarsagaray y famia  
Aura y Ovito Lampe-Jarsagaray y famia  
Alejandrina (Chichi) y † Kerino Maduro-Jarsagaray y famia  
Feliciano (Feli) y esposa y famia  
Juancho (Fijn) Jarsagaray na Hulanda y famia  
Silvo (Jani) Jarsagaray y famia na Spaña  
Facundo (Fabi) y Rita Jarsagaray-Langedijk y famia na Hulanda  
Anselmo Maiky y Esther Jarsagaray-Maria y famia na Hulanda  
Edwin Jarsagaray y famia na Hulanda

### Su swa y cuña:

† Apolonio (Poy) y † Angelica Werleman-Ras  
† Rosario (Ro) y Margarita Werleman-Maduro y famia  
† Maximilia (Chichi) y † Basilio Maduro-Werleman y famia  
† Cerilio y Maria Werleman-Geerman y famia  
† Emiterio (Mito) y † Maria Werleman-Kock y famia  
† Zenovia (Noba) y † Guadalupe Geerman y famia  
† Jan Faustinus (Janchi) Werleman y † Augustina (Tina) Werleman-Geerman y famia  
Raymundo (Rey) y Sita Werleman-Croes  
† Catarina (Tinchi) y Mario (Mai) Croes-Werleman y famia  
† Fabiano (Padu) Werleman y famia  
† Martina (Ina) y Placido (Do) Geerman-Werleman y famia  
Lucio (Luca) Julian y Betty Werleman-Dirksz y famia

### Omo grandi:

† Mo Poli y † Tia Dulce Winterdaal y famia na Merida  
**Suegronan:** Ruben y Norma Guzman-Grijalva y famia  
Marco y Marilyn Christiaans-Nuboer y famia  
† Gerard y † Jacoba (Cobi) van Beek- Gaasenbeek

Su primanan stima na Merida (Venezuela) Maivy, Bebita y Lizzy Winterdaal y famia

Su primo stima cu a lanta manera ruman Peter (Hendrik) Bareño y famia na Michigan (USA)

Tur su ihanan, su subrino y subrinanan, su primo y primanan, comer y compernan, amigo y amiganan di cas, bon bisiñanan y demas famia Yarzagaray, Werleman, Jarsagaray, Guzman, Van Beek, Christiaans, Schotborg, Lampe, Maduro, Langedijk, Winterdaal, Angela, Dubero, Geerman, Croes, Ras, van der Biezen y demas famianan na Aruba, Hulanda, Venezuela y Merca.

Ta invita pa asisti na e oportunidad di condolencia y acto di entierro cu lo tuma lugar **dialuna dia 24 di october** na Misa Inmaculada Concepcion na Santa Cruz. For di 1'or di atardi e restonan mortal di nos defunto stima lo ta reposa den Misa. Pa 4'or tin un Response den Misa sigui despues pa Santana Catolico "Santa Maria" na Santa Cruz

Si den nos tristesa nos por a lubida di menciona un of mas familiar of ser keri, nos ta pidi nos mas sincero disculpa!



Mi no a muri  
Ta pesey mi no ta bisa ayo  
Mi a dijes habri mi halanan y bula bai kiero  
Boso a keda atras no laga tristesa domina boso  
Keda uniun cu otro pa mi alma esey lo ta mi alegria  
Recorda mi cu hopi amor


Cu inmenso tristesa pero conforme cu Dios su boluntad nos ta anuncia fayecimento di mi casa, mama ruman, wela, amiga stima.

## Sra: Jorgina Maria Gonzalez Maduro

Mihor conosi como gina of ma gina  
\*16 Aug 1956 - † 18 Okt 2022

Na Number di su:

**Casa:** Robert (Gonzo) Gonzalez



**Yiunan:** Gwennnety Gonzalez y Jeannilo Gomez

Naigel y Enny Marie Gonzalez

Jerginio y Jennifer Gonzalez Texeira

**Yiu nan di crianza:** Zulaika Albertsz y esposo

Ghislaine de cuba y Charline Luydens

### Nieto y Nieta nan:

Remishka Croes  
Remika Croes  
Zhade Arashi Gonzalez  
† Rayseun Akins  
† Rovick Gonzalez

### Rumannan:

Mario y Clara Maduro  
Silvio Maduro

### Subrinonan:

Mario Angel maduro y famia, john-jairo maduro

**Swa y cuña nan:** Alby y Navas

Edith Tromp

Orvin Gonzalez

### Omo nan:

Benito y chichi Maduro y yui nan

Daniel Tromp y Clara Orman y famia

**Tanta:** Sira Maduro y famia na Hulanda

**Madrina:** Ebia Maduro Croes

**Su prima stima:** Lucia y Ronald Maduro y yuinan

Iha, amigo, amiga, bon bisinja nan, amistad nan ,su ex colega nan di onvanger der belasting.

### Su bon amiga nan di cas:

Agnes Ruiz Arendes y famia  
Chica Danja y famia  
Martana Rasmijn y famia  
Jerishka Albertsz

Tur amiga y amigo nan ta hopi pa menshona

Demas famia Gonzalez, Maduro, Servinus, Texeira, Gonzalez, Albertsz, Tromp, Krozendijk, Coffi, Ramirez, Croes, Koolman, Dania, Vrolijk, Thijzen, Petrochi, Navas, Rincones, Richarshon, Wong, de la Rosa, Miranda, Mejia, Figaroa

Disculpa nos si den nos tristesa nos por a lubida algun famia of cono- cir. Condolencia lo tuma lugar na Royal Funeral Home Dialuna 24 di Oktober 2022 di 7'or pa 9'or di anochi.

Ta invita pa acto di entierro cual lo tuma lugar **Diamars 25 di Oktober**

**2022** na Misa Santa Filomena na Paradera di 2'or pa 4'or di atardi.

Despues lo sali pa Santana Catolico na Paradera.

Nos ta lamenta cu despues di entierro nos no ta ricibi bishita di condolencia na cas.





*Every life is noted and is cherished,  
and nothing loved is ever lost or perished.*

Laga tur loke ta spera mi ta bunita  
Laga tur locual cu mi encontra na caminda ta bunita  
Laga tur locual cu mi laga atras keda bunita y  
Laga esakinan termina den tur buniteza.  
Cado Wever.

Nos ta anuncia fayecimento di

## Maria Perez-Tromp

Mi hor concí como: "Madu", "Tanta Iya"  
\*21-07-1930 - †18-10-2022

**Esposo:** †Nicolaas Perez

Na nomber di su:

### Yiunan:

†Jacinto y Linda Perez-Maduro  
Marlyn y Orlando Ibarra-Perez  
Edith Perez  
Elvis Perez

### Nieto(a)nan:

Patrick Perez, Robertino Perez, Gabriella Perez, Marielène  
Ibarra, Jairo Perez, Alan Roman, Bryan Roman y David Perez

### Bisanieto(a)nan:

Zavier, Ro-Laine, Judiella, Jershué, Roxanne, Rylan, Haylie,  
Navid, Nicolaas

### Rumannan:

†Simon Kelly y familia  
†Anna Flanegien-Tromp y familia  
†Benedito Tromp y familia  
†Stefan Tromp y familia  
†Rosalía Gei-Tromp y familia  
†Elauterio Tromp  
†Nicomedes Tromp y familia  
†Inocencio Tromp y familia  
†Agnes Khalil-Tromp y familia  
†Paulita Tromp-Tromp y familia  
†Louis Tromp y familia  
†Victor Tromp y familia

Swa y cuñanan, sobrino- y sobrinanan, ihanan, primo- y  
primanan


### Demas familia:

Tromp, Perez, Maduro, Ibarra, Roman, Kelly, Flanegien, Gei,  
Khalil, Figaroa

Cas Cristelle, su compañeronan y ciudadonan

Nos ta pidi nos disculpa si den nos tristeza nos por lubida un of  
demas familia.

Ta invita pa e acto di entierro cu lo tuma lugar na misa Santa  
Anna na Noord, **dialuna 24 di october 2022** di 2:00 pa 4:00  
pm, despues lo sali pa Santa catolico Pastoor Kraanwinkel na  
Paradera.



### Gradicimento y Invitacion

Pa medio di esaki familia kier a gradici tur esnan  
cu na un manera of otro a duna nos sosten, consuelo y forsa  
durante e tempo difícil cu e fayecimento y entierro  
di nos defunto stima:



## Obdulio Leoncio Geerman

"Doei", Papa, Mo Doe

Boso muestra di atencion ta di hopi aprecio y un gran sosten  
pa nos. Un danki na un y tur cu a manda carchi, kran,  
whatsapp, email y a hasi yamada nan telefonico.  
Tambe na Aurora Funeral Home pa cu su bon servicio y  
atencion.

Boso muestra di atenshon tabata un gran consuelo pa nos.

Na mes momento nos ta invita familia, bisiña-, amigo- y  
conocinan pa compañía nos na 3 Santo Sacrificio di Misa na  
misa Inmaculada Concepcion na Sta. Cruz; diadomingo 23 di  
october pa 6:30 pm, diaranson 26 di october y diabierna 28 di  
october pa 7 pm.

Boso presencia ta altamente aprecia.

"Señor ta mi wardador, mi'n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa".  
Salmo: 23

Nos ta anuncia fayecimento di:



## Oswald Severiano Lampe

Cariñosamente yama: "Badi"  
\*08-11-1937 - †21-10-2022

Acto di despedida lo wordo anuncia despues.





# AWEMainta

## Scan nos QR code y bira abonado di AWEMainta

Completamente GRATIS

1: Usando bo camera di telefon,  
scan nos QR code na banda.

2. Bay riba "Show Options",  
"Open in browser".

3. Yena e formulario.

**Haya AWEMainta  
tur dia den bo inbox!**



[www.awemainta.com](http://www.awemainta.com)



[www.facebook.com/AWEMainta](https://www.facebook.com/AWEMainta)



5880022



[info@awemainta.com](mailto:info@awemainta.com)

[noticia@awemainta.com](mailto:noticia@awemainta.com)

[aviso@awemainta.com](mailto:aviso@awemainta.com)